

**FRAMKVÆMDARÁKVÖRDUN FRAMKVÆMDASTJÓRNARINNAR  
(ESB) 2021/927****2023/EES/20/02****frá 31. maí 2021****um að ákvarða samræmdan leiðréttingarstuðul, sem liggur þvert á atvinnugreinar, til að aðlaga  
úthlutanir losunarheimilda án endurgjalds fyrir tímabilið 2021 til 2025***(tilkynnt með númeri C(2021) 3745) (\*)*

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af framseldri reglugerð framkvæmdastjórnarinnar (ESB) 2019/331 <sup>(1)</sup> frá 19. desember 2018 um umbreytingarreglur á vettvangi Sambandsins um samræmda úthlutun losunarheimilda án endurgjalds skv. 10. gr. a í tilskipun Evrópuþingsins og ráðsins 2003/87/EB, einkum 6. mgr. 14. gr.,*og að teknu tilliti til eftirfarandi:*

- 1) Í 10. gr. a (5. mgr., 5. mgr. a og 8. mgr.) í tilskipun Evrópuþingsins og ráðsins 2003/87/EB <sup>(2)</sup> er kveðið á um árlegan hámarksfjölda losunarheimilda sem er grundvöllurinn til útreiknings á úthlutunum losunarheimilda án endurgjalds til stöðva sem ekki falla undir 10. gr. a (3. mgr.) í þeirri tilskipun.
- 2) Í því skyni að standa við uppboðshluteldina sem sett er fram í 10. gr. tilskipunar 2003/87/EB ætti ekki að fara yfir þann hámarksfjölda úthlutana án endurgjalds sem kveðið er á um í 10. gr. a (5. mgr.) tilskipunar 2003/87/EB að frádregnum þeim fjölda sem um getur í 10. gr. a (8. mgr.) og, ef nauðsyn krefur, með tilliti til tiltæks viðbótarfjöldna sem er ákvarðaður með 10. gr. a (5. mgr. a) í þeirri tilskipun. Í því skyni að tryggja að ekki sé farið yfir þennan árlega hámarksfjölda losunarheimilda ætti að nota árlegan leiðréttingarstuðul, sem liggur þvert á atvinnugreinar, ef nauðsyn krefur, sem á samræmdan hátt dregur úr fjölda úthlutana án endurgjalds til allra stöðva sem eru hæfar til að fá losunarheimildir án endurgjalds.
- 3) Samkvæmt 6. mgr. 14. gr. framseldrar reglugerðar (ESB) 2019/331 skal framkvæmdastjórnin ákvarða leiðréttingarstuðulinn sem liggur þvert á atvinnugreinar fyrir hvert ár innan viðkomandi úthlutunartímabils þegar bráðabirgðatölur yfir árlegan fjölda losunarheimilda sem er úthlutað án endurgjalds hafa verið tilkynntar.
- 4) Ákvarða ætti leiðréttingarstuðulinn sem liggur þvert á atvinnugreinar, sem gildir á hverju ári úthlutunartímabilsins 2021 til 2025 fyrir stöðvar sem ekki eru auðkenndar sem raforkuframleiðslustöðvar og sem eru ekki nýir aðilar, á grundvelli bráðabirgðatalnanna yfir árlegan fjölda losunarheimilda sem er úthlutað án endurgjalds á úthlutunartímabilinu, án þeirra heimilda sem er úthlutað án endurgjalds til þeirra stöðva sem aðildarríkin hafa undanskilið frá viðskiptakerfi ESB með losunarheimildir í samræmi við 27. gr. eða 27. gr. a í tilskipun 2003/87/EB og með þeim losunarheimildum sem er úthlutað án endurgjalds til stöðva sem aðildarríki taka með í samræmi við 24. gr. þeirrar tilskipunar.
- 5) Fjöldi losunarheimilda í Sambandinu fyrir árið 2021, sem um getur í 9. gr. tilskipunar 2003/87/EB, nemur 1 571 583 007, eins og sett er fram í 1. gr. ákvörðunar framkvæmdastjórnarinnar (ESB) 2020/1722 <sup>(3)</sup>. Í samræmi við fyrstu og aðra undirgrein 1. mgr. 10. gr. tilskipunar 2003/87/EB var reiknað út að (árlegur) hámarksfjöldi sem kveðið er á um í 5. mgr. 10. gr. a væri 43% af 1 571 583 007, það er 675 780 693. Frá þessum fjölda, 675 780 693, ætti að draga 32 500 000 losunarheimildir ár hvert í samræmi við 8. mgr. 10. gr. a í tilskipun 2003/87/EB, sem skilar hámarksfjöldanum 643 280 693 fyrir árið 2021. Samkvæmt 5. mgr. a í 10. gr. a í tilskipun 2003/87/EB myndi viðbótarfjöldi sem nemur allt að 3% af heildarfjölda losunarheimilda, alls 413 420 157 á tíu ára tímabilinu frá 2021 til 2030, verða notaður til að auka þann hámarksfjölda sem er til ráðstöfunar ef bráðabirgðatölur yfir árlegan fjölda losunarheimilda sem er úthlutað án endurgjalds til hvernar stöðvar, sem yrði lagður fram af aðildarríkjunum og EFTA-ríkjunum innan EES og reiknaður með því að beita viðeigandi stuðli sem var ákvarðaður í V. viðauka við framselda reglugerð (ESB) 2019/331, færi yfir hámarksfjöldann sem um getur í 5. mgr. 10. gr. a í þeirri tilskipun. Þetta gerðist hins vegar ekki. Því ætti árlegur leiðréttingarstuðull sem liggur þvert á atvinnugreinar að vera 100%.

(\*) Þessi ESB-gerð birtist í Stjttíð. ESB L 203, 9.6.2021, bls. 14. Hennar var getið í ákvörðun sameiginlegu EES-nefndarinnar nr. 310/2021 frá 29. október 2021 um breytingu á XX. viðauka (Umhverfismál) við EES-samninginn (bíður birtingar).

<sup>(1)</sup> Stjttíð. ESB L 59, 27.2. 2019, bls. 8.

<sup>(2)</sup> Tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB (Stjttíð. ESB L 275, 25.10.2003, bls. 32).

<sup>(3)</sup> Ákvörðun framkvæmdastjórnarinnar frá 16. nóvember 2020 um heildarfjölda losunarheimilda í Sambandinu sem gefa skal út samkvæmt viðskiptakerfi ESB með losunarheimildir fyrir árið 2021 (Stjttíð. ESB L 386, 18.11.2020, bls. 26.).

- 6) Þjóða ætti fram ónotaðar losunarheimildir úr hámarksfjöldanum fyrir árið 2021 á næsta ári, þ.e. 2022. Sú röksemd ætti að gilda áfram fyrir árin sem á eftir koma á úthlutunartímabilinu 2021 til 2025 sem um getur í 15. lið 2. gr. framseldrar reglugerðar (ESB) 2019/331.
- 7) Beita skal hámarksfjöldanum sem kveðið er á um í 10. gr. a (5. mgr., 5. mgr. a og 8. mgr.) í tilskipun 2003/87/EB, samræmdu úthlutunarreglunum og leiðréttingarstuðlinum sem liggur þvert á atvinnugreinar í EFTA-ríkjunum innan EES<sup>(4)</sup>. Því er nauðsynlegt að taka tillit til bráðabirgðatalna yfir árlegan fjölda losunarheimilda sem er úthlutað án endurgjalds á tímabilinu 2021 til 2025 á grundvelli gagna sem Eftirlitsstofnun EFTA samþykkir með tilliti til Íslands, Liechtensteins og Noregs. Útreikningurinn sem um getur í 5. forsendu endurspeglar þessa nauðsyn.

SAMÞYKKT ÁKVÖRDUN ÞESSA:

*1. gr.*

Samræmi leiðréttingarstuðulinn, sem liggur þvert á atvinnugreinar, til að aðlaga úthlutanir losunarheimilda án endurgjalds í samræmi við 10. gr. a (5. mgr.) og 10. gr. a (5. mgr. a) í tilskipun Evrópuþingsins og ráðsins 2003/87/EB fyrir hvert ár á úthlutunartímabilinu 2021 til 2025, skal vera 100%.

*2. gr.*

Ákvörðun þessari er beint til aðildarríkjanna.

Gjört í Brussel 31. maí 2021.

*Fyrir hönd framkvæmdastjórnarinnar,*

Frans TIMMERMANS

*stjórnandi varaforseti*

---

<sup>(4)</sup> Ákvörðun sameiginlegu EES-nefndarinnar nr. 112/2020 frá 14. júlí 2020 um breytingu á XX. viðauka (Umhverfismál) við EES-samninginn (hefur enn ekki verið birt í *Stjórnartíðindunum*).